

1644.

347.6.11.

8

53

OCCASVS
IN ORTV
ORATIO

GABRIELIS BEATI E SOC. IESV

HABITA AD S. D. N.

VRBANVM VIII.

IN VATICANO PONTIFICVM SACELLO

Ipso Concepti, & Morientis Christi Die.



Romæ, Typis Hæredum Francisci Corbellæti 1644.

Superiorum Permissu.

OCCASION

IN

ORATIO

PRO

REVEREND

VERBA

ET

ET

ET

ET

ET

ET

ET

ET

ET

ET

ET

ET

ET

ET

ET

ET



EMINENTISSIMO
P R I N C I P I
FRANCISCO
CARD. BARBERINO
S. R. E. VICECANCELLARIO
GASPAR LASCARIS F.



*Q*UE M mibi expertus
sum aliàs tutissimum
rerum mearum por-
tum; non possum, si
homo sim, ijs, quibus
aliquid debeo, eundem
non designare, Prin-
ceps Eminentissime. Cui verò plus de-
beam, quàm illi, quem ingenuis in discipli-
nis sortitus sum Institutorem? cuius de Chri-
sti

A 50

A 2

4
Eti in Ortu Mortis orationem, ut audisti nu-
per Vaticano in Sacello non ingratis, ita re-
leges spero non iniucundè, me deferentem
benignè excipiens, qui illum perorantem
perhumaniter excepisti: Atque interim op-
portuna hac, importunaque officiorum re-
petitione ego illud impetrabo (quid enim à Te
artes bonæ non impetrent!) ut paullo post
de Geometria per Opticam, ex illius doctrina,
Tuis auspicijs disputanti mihi, adesse velis eo
beneficij genere, quo Tibi iam litteras pro-
pemodum ipsas fecisti vectigales: Ita nam-
que (quod meo bono capi) Tuis enutritus be-
neficijs, uni adolescam Tibi; ut (quod voto-
rum summa est) Tibi viuam, & perennem
uni. Vale.



ORA-



ORATIO.



APROPOSITO recurrentibus
annis incidit hodie, quod
incidisse olim creditur, dum
factum est, B. P. ut eadem
cadentis Martij Parasceues
die, qua oriens æternus
Dei Filius, specie sua, & PL. 44.
pulchritudine sua processit
ad nos, perpetuum in do- Luc. 2.

mo Iacob regnaturus; moriens Filius hominis non
habens speciem neque decorem, in Crucis folio, Ioh. 5. 1.
Iudæorum, immo mortalium omnium Rex immor-
talis salutaretur, & regnaret à ligno Deus. Ita PL. 96.
enim, dum adamussim primis extrema respon-
dent, posuisse, dum voluit, hoc est hora sua, ani-
mam suam intelligunt vel increduli; nos verò
natalem funeris, & tristitia lætis mirè innexa viden-
tes, audemus vel per eadem, ac vulnera Chri-
stum antecedentem ad Regnum sequi, quando
Regnum, idque æternum sanguine peti potest.

A 3 Et

Et primò quidem Imago pulcherrima Diuinitatis,
 Rex Salomon verè formosissimus, Paternæ beati-
 tatis egressus è sinu, tanquam sponsus è Thalamo
 suo exultauit vt Gygas, ad viam decurrendam,
 qua ad humanæ naturæ properans complexum,
 descendit Virginei Vteri in hortum conclusum;
 hoc est, in Paradisum voluptatis, vt eam iterum
 fælicitatem operaretur, quam primus ille Para-
 disî Agricola, dum sua bona non nouit infortu-
 natus, imprudenter amiserat. At modò quàm
 infaustis auspicijs, ad poenarum inaugurandus
 imperium, non exultans ac festinus, sed pauens
 ac mærens, hortum alterum ingreditur, dolorum
 feralè Seminarium; vbi exanimatur timore con-
 stantia, expallescit ac trepidat fortitudo, in-
 terram prolabitur cæli columen, atque inter an-
 gores, æstusque curarum, diffuso sanguine, mar-
 cescit in luctu gaudium sæculorum. Venisti pro-
 fectò in hortum cælestis Sponse, non tuum, sed
 in nostrarum terrarum miseriarum, quæ diuino ste-
 rilescens maledicto, spinas tantum germinare
 nouit calamitatum, & arefacta vitæ arbore, de
 ligno mortis fructus progignere venenatos. Sed
 benè nobis est filijs Adæ; dum enim in hoc æ-
 rumnarum horto ad nostrorum cogitationem sce-
 lerum, horroremque suppliciorum, toto dehiscen-
 te corpore in sanguinis imbrem soluitur, ac lique-
 scit Deus, tam fælici irrigatione fæcundata terra,
 producet iterum virtutum omne lignum pulchrum
 visu, aspectuque delectabile, & insito in mortis
 arbore vitæ furculo, apparebit rursus Paradisus vo-
 luptatis.

Nazarenum in hortum euocatus è cælo à natura
 humana sponſus, complexus eam hypoſtatico nexu
 arctiſſimè eſt, eique impertito, quod tandiu ſuſpira- Cantic. II.
 uerat, oſculo Diuinitatis, decorem indidit ac ſpeciem
 imperio dignam: Contra nunc, inſidiante charitate
 deductus in hortum Gethſemani ſponſus ſanguinum, Exo. 34.
Then. 4
 captiuus tenetur in peccatis noſtris, atque impuriſſi-
 mo proditoris oſculo exceptus, ſpecioſus forma præ
 filijs hominum mirè deformatur, & Rex gloriæ ad Pl. 44.
 regnum deſignatur opprobrij; Nam quemadmodum
 callidiſſimus olim ſerpens, in faciem primi hominis, Gen. 3.
 in quam inſpirauerat Deus ſpiraculum vitæ ſimul, ac
 Regni, ſimulato beneuolentiæ oſculo ſpiritum mortis
 inhalauit ac ſeruitutis; ita Iudas, ſerpens verè verſi-
 pellis, oſculo inſpirat in faciem Regis vitæ ſpiraculum
 mortis, & captiuitatis; vt cuius deliciæ erant eſſe
 cum Filijs hominum, oſculis, hoc eſt, hominum deli- Pro. 8
 cijs mancipetur. Atque ſicuti pacis oſculo accepit Pl. 84.
 Sponſam Rex pacificus, quo Iuſtitia, & Pax exoſcu-
 lata, in Iuſtitia firmitate, & in pulchritudine Pacis
 ſtabilirent imperium Principis pacis ſempiternum;
 ita oſculum ſceleſtiſſimi Iudæ, belli fuit, ac perfidia
 teſſera, quo odium, & iniquitas ſeſe inuicem exci-
 piendo, dolorum Regem morte iniuſtiſſima condem-
 narent. En primum ab horto rapitur in iudicium, in
 funiculis Adam, qui dum Ieſum obſtringunt, ſunt vin- Oſe 13
 cula charitatis; ibi Iudæorum iniquitas accuſat inno-
 centem, qui, dum loquitur veritatem, odium ſibi
 peperit militis impudentis, à quo Diuina facies, ſedes
 gloriæ, impudentiſſimè verberatur. Conſpirarunt
 enim uero odium, & iniquitas; odium, quia cæcum
 furore eſt, ſpeciem diuini vultus non nouit, ideoque
 di-

dignum iudicauit, qui plecteretur; iniquitas, quia
 tantum vnus est auris apertæ mendacio, sonum veri-
 tatis non percepit. Percepit tamen, & dulcedinem
 vocis, & vultus venustatem Virginis charitas ocu-
 lata in primis, in primis aurita; quæ electi ex milli-
 bus sponsi ad se venientis vocem exaudiens; ostende
 inquit mihi faciem tuam, sonet vox tua in auribus
 meis, vox enim tua dulcis, & facies tua decora. At
 quam perfida est iniquitas Principis Sacerdotum,
 apud quem blasphemus existimatur ille, qui solus
 verax est, licet omnis homo sit mendax? quam exo-
 culatum, atque excors est odium militum sæuientium,
 qui bina illa oculorum sydera sordido velo, tanquam
 nube; sedare audent; qui vultum Sole splendidio-
 rem, & regia plenum maiestate deturpant sputis, pu-
 gnis cædunt, depalnationibus seruilem in modum
 dehonestant, vt inclusam diu rabiem euomant, ac
 tandiu conceptum virus effundant? sed quam citò vi-
 debitis in sede maiestatis suæ vultum hunc vltice iu-
 stitia plenum, quem plenum gratia contemñentes
 aspicere recusastis? quam serò lamentabimini inca-
 sum, lux veritatis non illuxit nobis, cuius vocem in-
 circuncisis auribus audire respuistis? Pudet hinc sin-
 gillatim impudentissima referre ludibria, quæ nox illa
 suis in tenebris vidit inuita; recreor tamen noctis al-
 terius recordatione iucundissima, quæ plaudente
 cælo, de regalibus sedibus, in gloria charitatis suæ
 venientem ad nos vidit, vt sedentes in tenebris, &
 vmbra mortis erueret in admirabile lumen suum, &
 in regno vitæ cum Principibus collocaret.

Verum, ne semel sæuiat odium, & ne vnum tan-
 tum tribunal vitiet iniquitas, Romano Præsidi sistitur;

vbi vestitate tacente, proclamante iniquitate, odio
 debacchante, perturbatur adeo Romani Iudicis ani-
 mus; iustitiæ oculus, cæteroqui lynceus, adeo hal-
 lucinatur, ut quærens quid puniret, non aspiceret
 quid damnaret; & cupiens esse misericors, amorem
 exercuerit omni odio atrociorẽ; crudeli sententia
 flagellis emendans, qui nunquam errauerat; nisi forte
 crimen fuerit, præ nimia erga nos charitate hac ipsa
 die semetipsum exinaniuisse, dum formam serui acci-
 piens habitus est inuentus ut homo. Sed sic solet ini-
 quitas misereri. Alligatur itaque infami saxo Regum
 Rex, & vilissimum veluti mancipium virgis, loris,
 fustibus, ferreis flagris, ferocissimis à satellitibus,
 crudelissimè cæditur, discerpitur, lancinatur, excarni-
 ficatur; natant diuino sanguine pauimenta, & dum
 deficit in Christo plagis locus, non deficit charitas;
 dum deficiunt tortoribus vires, non deficit furor;
 O verè nouum nequitie nostræ prodigium! ut tanti
 staret Deo, humanam sibi copulasse naturam; sicut
 enim cælestis hic Salomon, in die desponsationis suæ,
 ferculum sibi parans de lignis libani, columnas fecit
 argenteas, reclinatorium aureum, ascensum purpu-
 reum, mediaque charitate construxit; ita in die pœ-
 narum suarum, de virgis, fustibusque sortitur piacu-
 lum, marmoream plectitur ad columnam, & non ha-
 bens vbi caput suum reclinet, toto corpore inclinata
 in se sustinet ferrea pondera flagellorum; solum de-
 scensum habet purpureum, plurimus enim largis vn-
 dique riuis descendit sanguis, qui cum sit ex amore
 profusus, stratum verè facit charitatis. Parcite iam
 crudeles patricide! Ut quid enim in laceram hanc spi-
 rantis mortui effigiem vltius desequire? habet quippe
 in

Philip
2.

1. 24. 12

Cant.

1. 24. 12

in hoc dolorum conuiuio vestri crudelitas odij delicias suas, nam sanguinem, quem auidè tandiu sitiuit, abundè iam bibit. Parcamus & nos: habent enim & fera pessimæ iniquitatum nostrarum, vnde famem sedent in dilaceratione corporis innocentis. At stultum est optare, vt qui Deo nunquam pepercerunt in culpis, parcere nunc discant in poenis. Rudimenta sunt hæc perfidiæ humanæ lanienam diuinam facere condiscantis.

A Virgis venit ad Spinas, quibus in coronam complicatis caput illud, Diuinæ sacrarium sapientiæ, coronandum stellis, horribili ludo redimitur, Rexq. excipitur iocularis, qui seriò vapulauerat Reus. Cant. Egredimini nunc Filie Sion, & videte Regem Salomonem, non in diademate gloriæ, quo coronauit eum Pater suus, in die natalis sui, cum eum introducens in orbem terrarum, proposuit cæli Senatoribus, & terræ Regibus adorandum; sed in diademate ignominie, quo coronauit eum Nouerca Synagoga, sordida in purpura ludificatum, arundineo in sceptro derisum, spineo in serto atrocissimè vulneratum. Ac ne tantum militum scelus, & maius Christi dedecus vnus Prætorij parietibus clauderetur, educitur foras portans spineam coronam, & purpureum vestimentum; qua forma aspiciens illum è turba Mater, non agnoscit in filio, quæ in eo quondam hæc ipsa luce Diuinus Spiritus admirabili ratione membra distinxit; quare proposita omnium oculis miserabilis dilacerati potius cadaveris, quàm viui hominis species, miserationem non inuenit, sed acuit rabiem; absolute namque infamè sicario proclamatur in patibulum, Deus. Deerat nimirum hoc angonibus tuis dolorum

Rex

Rex, ut scelestissimo etiam grassatori posthabereris !
 At in sceleris regno innocentiam præferri omnino
 non decuit ; immo decuit te hodie hac etiam sub lege
 fieri iniquitatis , ut eos qui sub lege erant perfectè re-
 dimeres , qui factus hodie ex Muliere, cælestis Regni Galat. 4
 nos feceras cohæredes .

Sed iam inimicorum traditur crudelitati, nostræ
 Auctor felicitatis ; iam suprema rerum potestas tra-
 hitur ad supplicium ; vident collachrimantes Filix
 Hierusalem Divinum Salomonem non eburneo re-
 gnantem in solio , sed sub informi crucis ligno labo-
 rantem , quando ludibriorum , pœnarumque princi-
 patus factus est super humerum eius ; vident non pro-
 perantem ad montem aromatum , & collem thuris , 16. 9.
 super quem constitutus est Rex in die, qua factus est
 homo , sed ad horrida Calvarix montana sub intole-
 rabili supplicij sarcina raptatum ; ubi non cæli Re-
 gnium , sed cæli Rex vim passus est , & violenti rapue-
 runt illum ; manibus namque pedibusque acuminato
 ferro traiectis, diuulso pectore , distracto corpore , in
 patibulum actus (ò dighum mundi lachrimis specta-
 culum , ò extremum improbitatis nostræ, diuinæ cha-
 ritatis argumentum !) gemente cælo , furente terra ,
 fremente rerum natura Christus expiravit ; reddens
 bona fide spiritum suum Patri suo eadem qua acceperat
 die ; atque ut se magis probaret eundem , sepeli-
 tur in alieno , Angelis pacis amarè stentibus, qui præ-
 cinentibus Angelis pacem , in alieno natus erat ; 1. 11. 32.
 quando & Angelo confortante moritur , qui fuerat Luc. 2.
 Angelo nunciante conceptus ; solum dissimilis, quòd Luc. 22.
 nascente Sol geminatur , & fulgent noua sydera , Luc. 1.
 moriente Sol deficit , & antiqua sydera obscurantur ; Mat. 27.
Ofor. hist. l. 4. c. 18.
 mori-

inquitur media luce, in medio terræ, in vertice montis, natus nocte media, in terræ angulo, occulto in specu; ditatus tunc Regum muneribus, & Virgineo lacte nutritus, nunc suis nudatus vestibus, felle & aceto potatus; nascens ab Herode, à quo timetur fugit, moriens Herodem, à quo contemnitur adit; tunc à Pastoribus, Regibusque adoratus salutatur Israël Rex, nunc à militibus, Principibusque delusus, per iocum appellatur Rex Iudæorum.

1. Cor. 2

pl. 53.
pl. 31.

pl. 73.

Plur.
in Pōp.

Sed qui Iudæis scandalum, & gentibus stultitia, qui despectus, & nouissimus virorum, opprobrium hominum, & abiectio plebis, visus hodie ihs es, quos iniquitas obæreat atque inuidia; Nobis, quibus oculos aperit charitas, & per velamen lacrum Diuini corporis, aspectum dirigit fides, quàm speciosus apparuisti in ipsa tui positione decoris; quàm inter ludibria venerabilis; liuore, ac vulneribus quàm formosus! Vt iam, dum & ab ytero Virginis, & à ligno Crucis regnans, salutem nostram operaris, non liceat nobis non ardentè amare charitatem istam; sed cogamur hodie maximè (præter gentium morem) Occidentem potius, quàm Orientem Diuinitatis Solem adorare.

D I X I.

